



Siverth K. Heilmann

UPA 2023/108-1

Atassut

11. maj 2023

**Sisimiut Kangerlussuullu akornanni qallersugaanngitsumik aqqusinermik sanaartornermi
Namminersornerullutik Oqartussanit inatsisitigut aningaasartuutissat pisariallit tamaasa
ingerlatsinermi aningaasartuutit kommuunip nammineq isumagisassappagit qulakkeerneqar-
nissaannut Naalakkersuisut peqquneqarrnissaannik Inatsisartut aalajangiiffissaattut
siunnersuut.**

(Inatsisartuni ilaasortaq Anders Olsen, Siumut)

Siullermik inatsisartuni ilaasortaq Anders Olsen, Siumut, Sisimiut Kangerlussuullu akornanni qallersugaanngitsumik aqqusineq pillugu siunnersuuteqarninnut qujanaq, imatullu Atassummiit oqaa-seqarfissavarput.

Sisimiormiut kattunnissaq sioqqullugu kattutereernerullu kingorna, piffissaq sivisoqisoq pitsaaqutit ajoquataasinnaasullu nalilersuisareerluta aningaasaliinissamut akuersismanitta kingorna, suliaq suk-kangaatsiartumik ingerlanneqarsimanera paasissutissutigineqareerpoq.

Kangerlussuup piuinnarnissaa, takornariaqarnikkut aningaasarsiorfiulluareersullu siuariartoqqinnisaanut allatigullu inerisaanissamut suleqattissarsiorernullu sapiisersimaqaagut. Aap kikkut qanoq isummerumaarnerat nalornisitsarsimavoq,

Kommunep Namminersorlutik Oqartussallu aningaasarsiorfiulluareersullu aqutissiuussinerput, pin-gaartumik Kangerlussuarmi ingerlaannarnissaanut piumassuseqarneq ersarissivoq isumalluarnaq. Nutaamik talittarfiliortoqarsinnaanera aningaasaleeqatigiissinnaaneranillu suliaq ilisimaneqareersoq sivitsornera eqqaasissutigiinnarsinnaavara.

Umiarsualiviit talittarfinnulluunniit, inatsisartuni kikkut pitsangorsaanissanut tullinnguunneri assortuussutigineqartartut, uagut Sisimiuni namminivik aningaasat ikittuungitsut atorlugit aningaa-saliinigut piviusuupput. Nunatta karsianiit aningaasaliiffigineqarusuttarnerput puujussanngilarsi.

Naggataagut eqqaarusuppara, Sisimiuniit Kangerlussuullu akornanni qangaaniilli annertuumik inuit angallavigaat. Ilisimaneqartutuut piffik annertoorujussuaq tuttoqarfivoq tuttunniarfissuullunilu.

Inuup inuunera ulorianartorsiortikkusunnagu pisariaqavippoq, aqqusineqaleraluaruttaluunniit sumut tamaanga angalaneq killilersimaarniarlugu, kikkut tamarmik ilisimasassaannik aallaasersorfigine-qarsinnaasut allatigullu akuerisaasumik peqqussusiornissaq.

Siunnersuut tunngavilersuutaasorlu takingaatsiartorsuarmik paassisutissaanerusunillu imaqartutut taaneqarsinnaagaluartoq taamak naatsumik oqaaseqarfigalugu, Atassummiit inassutigiinnassavarput suliat inaarsarneqarnissaat siunertaralugu, ataatsimiitaliamut susassaqartumut ingerlateqqaerneqas-sasoq.

Siunnersuuteqartumullu qujaqqippugut.